


TEZĂUR LITURGIC
7 SEPTEMBRIE

ACATISTUL
SF. CUVIOȘI-MUCENICI
ALEXANDRU
PERESVET
ȘI
ANDREI OSLIABE
DE LA RADONEJ



MOSCOVA, 2000



Акафист **преподобным воинам-схимонахам** **Александру Пересвету** **и Андрею Ослябе**

Кондак 1

Избрании от рождения ратницы духовнии,
воспеваем вам умиленно, воспоминающе о
подвиге вашем, и глаголы благодарные
возносим:

Радуйтесь, Александре и Андрее, воины
преподобнии
(Радуйтесь, Александре и Андрее, преподобнии
воины русские).

Икос 1

Ангелам небесным подобно, из воинства
духовнаго явлении войску русскому во
укрепление, подвижницы Христовы, смиренно
послушание исполнивши и венцы духовнии
победно приявши. Мы же, грешнии, к вам
припадаем, подвиг ваш духовный сице славим:
Радуйтесь, воины праведнии;
радуйтесь, русские победы знамение.
Радуйтесь, монахи благонравнии;
радуйтесь, послушники славнии.
Радуйтесь, ратницы непобедимии;
радуйтесь, Духом Божиим хранимии.

Радуйтесь, монашеский хитон избравши;
радуйтесь, на поле брани просиявши.
Радуйтесь, Александре и Андрее, воины
преподобнии.

Кондак 2

Видел есть Господь, яко раби вернии во святей
обители подвигами возрасте, примером
иноческому житию бысте, волю Божию
исполнивши, святыми молитвами окрепшии,
Богу Вседержителю вопияше: Аллилуиа.

Икос 2

Разумом не вместити высоту подвига вашего,
сердце же его радостно приемлет, и мы
недостойнии, святых молитв ваших
вопрошающе, о подвиге вашем знаменном с
радостью возглаголем:

Радуйтесь, поклонницы Царя Христа;
радуйтесь, усерднии Христовы ратницы.
Радуйтесь, молитвенницы обильнии;
радуйтесь, Христовым Духом сильнии.
Радуйтесь, в сонме святых российстих
просиявши;
радуйтесь, за веру Богу жизнь предавши.
Радуйтесь, молитвами благоухавши;
радуйтесь, ими врагов отгнавши.
Радуйтесь, Александре и Андрее, воины
преподобнии.

Кондак 3

Силою Божию просвещеннии, елеем
благодатным помазаннии, на подвиг ратный
благословеннии, в духовней брани землю
русскую отстоявшии, святых наставников
наследницы, со ангели ныне славословите Бога:
Аллилуиа.

Икос 3

Имуще любовь Христову, вси блага мiрстии ни
во что вменисте, вси богатства и имения
раздасте, на подвиг ради спасения духовнаго
ушедшии, его же во страданиях обретшии,
спустя столетия на победу вашу взираем и
благодарно возопиим:

Радуйтесь, монаси досточтимии;
радуйтесь, ангели, облаченнии в схимы;
радуйтесь, за Русь святии молитвенницы;
радуйтесь, веры Христовыя светильницы;
радуйтесь, духовно умиленнии;
радуйтесь, на поле брани упокоеннии;
радуйтесь Царствия Божия наследницы;
радуйтесь, Ангелов святии собеседницы;
радуйтесь, Александре и Андрее, воины
преподобнии.

Кондак 4

На бурю вражиих напастей с духовным плачем
взирали есте, да спасет Господь Русь

православную, вашими молитвами и ныне спасаемся, с любовью ко Господу припадаем: Аллилуиа.

Икос 4

Слышавше Слово Божие, велие оное приемше, спасения шлем обретосте, во иночестве страсти низложивше, ножем духовным врагов спасения отметаивше, молитвы непрестаннии ко Господу возносивше, победу достойно обретшии, и ныне мы победе вашей радуемся:

Радуйтесь, схимницы смиреннии;
радуйтесь, Святым Духом исполнении.
Радуйтесь, воины русские;
радуйтесь, шедшии тропы узкия.
Радуйтесь, защитницы усерднии;
радуйтесь, победительницы нерукотвореннии.
Радуйтесь, Светом Христовым просиявшии;
радуйтесь, победу над смертию приявшии;
радуйтесь, Александре и Андрее, воины
преподобнии.

Кондак 5

Боготечною звездою победа ваша просияла есть,
за веру Христову с любовью постояли есте,
землю русскую от неверных языков очищающе,
и ныне Бога победно хвалите: Аллилуиа.

Икос 5

Видевше Света Истины, к Солнцу Правды
сердце обратисте, обителию Бога души
соделавшии, и врага духовнаго не убоясте и
врагу ратному не вmale ниже предасте,
твердость духа вашего, яко урок усердный, со
умилением прославляем:

Радуйтесь, Евангелия любители;
радуйтесь, воинам ратным покровители.
Радуйтесь, Христа и Бога зрители;
радуйтесь, смирению учителя.
Радуйтесь, воины мужественнии;
радуйтесь, насельницы дружественнии.
Радуйтесь, сомолитвенницы славнии;
радуйтесь, семена засеявшии на Руси
державнии.
Радуйтесь, Александре и Андрее, воины
преподобнии.

Кондак 6

Проповеданием незримым ныне сияете, землю
русскую духом прозрете, святым праотцам
воспевающе, и Отечеству меру измеристе,
Божиим даром его восприимше, и мы ныне с
усердием с Вами припадаем и с покаянием Богу
глаголем: Аллилуиа.

Икос 6

Возсиял есть Христос в сердцах праведных,
святых ликов узреть начертания не возмогли бы,
аще послушание не бысте исполнили, сердцем
ко Господу горесте, жизнь за веру сложити
готовии, и мы укрепления духовнаго просим и
со смирением восклицаем:

Радуйтесь, благодатнии послушницы;
радуйтесь Христовы ратницы.

Радуйтесь, Богом хранимии;
радуйтесь, земнии Херувими.

Радуйтесь, Силу Божию приявшии;
радуйтесь, за спасение жизнь отдавшии.

Радуйтесь, Христа во славе сретившии;
радуйтесь, в сонме праведнем светящии;
радуйтесь, Александре и Андрее, воины
преподобнии.

Кондак 7

Хотевше спасения единого, награды земнии с
покаянием отвергшии, с усердием к Богу
припадосте, во святой обители иноческаго
образа сподобльшии, окормляемии благодатным
наставничеством, награды небеснии обретосте,
к Богу одесную молитесь: Аллилуиа.

Икос 7

Новии избранницы Христовы, стремяна
духовнии одернусте, видевши немощь

человеческую, Богом на пути подъятии и за усердие возрадованный:

Радуйся, Александре, Челубея-злаго победивший;

радуйся умерщвление от онаго приявший.

Радуйся, венец за подвизи от Бога получивший;

радуйся, Андрее, на поле ратнем главу победно сложивший.

Радуйся, обретенное упокоение;

радуйся, во святых прославление.

Радуйтесь, блазии ратницы;

радуйтесь, Христовы подвижницы;

радуйтесь, Александре и Андрее, воины преподобнии.

Кондак 8

Странное чудо зрим умиленно, Царица

Преблагая, на подвиг воинов своих ты обличила еси, слыша молитвы русския и прошения. Русь святую ты не оставила еси, Христовых воинов во обители райския приимшая, тамо они ныне благодарственно Богу взывают: Аллилуиа.

Икос 8

Вси святии дивятся, яко архангели небеснии отсупников диаволских низвергосте, тако воины преподобнии сразисте языков неправедных, с Именем Божиим на устах, Его заступничество призывающе. И мы, недостойнии и грешнии, с

замиранием сердечным молим:

Радуйтесь, ратницы непобедимии;
радуйтесь, человецы, духовною скверною
неопалимии.

Радуйтесь, Богородице молитвенницы;
радуйтесь, Христа ученицы;
радуйтесь, войнам Христовым пристанище;
радуйтесь, воинам ратным прибежище.

Радуйтесь, молитвенницы знаменнии;
радуйтесь, схимницы праведнии.

Радуйтесь, Александре и Андрее, воины
преподобнии.

Кондак 9

Вси помышления свои к Богу возносите,
спасители земли русския, и ныне нас не
оставляете, с плачем святым сердечным к Отцу
Небесному взываете: Аллилуиа.

Икос 9

Ветии многовещаннии, яко рыбы безгласныя, не
возмогут возреши высоту подвига вашего, для
пределов русских знаменнаго, мы же,
окамененнии, Духа Божиего просим и с
покаянием сердечным восклицаем:

Радуйтесь, в битве духовней победу земную
одержавшии;
радуйтесь, за веру Христовую пострадавшии.
Радуйтесь, воины победители;

радуйтесь, от страстей омытии.
Радуйтесь, скорбями иноческими очищении;
радуйтесь, Христовым Духом просвещении.
Радуйтесь, небеснии послушницы;
радуйтесь, за Россию святии заступницы;
радуйтесь, Александре и Андрее, воины
преподобнии.

Кондак 10

Спасти хотите, премилосердно, души русския,
защитницы всем с верою к вам прибегающим и
молитвенно к заступничеству вашему
взывающим. И мы, разумеюще ваше успеяние, к
Богу возопиим: Аллилуиа.

Икос 10

Стена еси людем русским, славное чудо явил
еси, Господи, на поле брани Куликовом,
духовных воинов ратниками земными соделал
еси, прославляя землю русскую, и мы
благочестно к сим воинам взываем и их усердно
славим:

Радуйтесь, русския Церкви украшение;
радуйтесь, русския земли спасение.
Радуйтесь, всадницы святии;
радуйтесь, защитницы Руси.
Радуйтесь, князем святым избрании;
радуйтесь, Богом утверждения.
Радуйтесь, Евангелие приявшии;

радуйтесь, в вере твердо стоявшие.
Радуйтесь, Александре и Андрее, воины
преподобнии.

Кондак 11

Пение благодарно приносим о воинах земных и
небесных. Силою свыше укрепляеми, на
подвиге ратнем просиявши, дружину русскую
прославили, в убиении жизнь приемше,
непрестанно ныне глаголете: Аллилуиа.

Икос 11

Светозарною свещею молитва святых отец
ваших от натиска диавольскаго вас ограждала
есть; и вы покорливи в послушании, суровии
ко врагу иноверному, на нас с плачем взираете,
а мы усердно взываем:

Радуйтесь, святии праведницы;
радуйтесь, благочестия ратницы.
Радуйтесь, победы вместилище;
радуйтесь, заветов Христовых хранилище.
Радуйтесь, трудов покаяния стяжатели;
радуйтесь, победы русской зачинатели.
Радуйтесь, плодов велиих показатели;
радуйтесь, процветания Руси благовестители.
Радуйтесь, Александре и Андрее, воины
преподобнии.

Кондак 12

Благодати двери отверзшии, Христа во страданиях вопрошаше, молитвы ваши Господь приял есть, и вы возмогли есте с чистым сердцем славословити: Аллилуиа.

Икос 12

Поюще смирение ваше, его же с умилением славим. Души не отдав погибели, в подвиге усердном пребываше, и камения с души низложивше, в Небесных Землях во веки радуетесь. И мы к вам припадаем и в сокрушении сердечном взываем сицевая:
Радуйтесь, ратницы святии;
радуйтесь, попечители блазии.
Радуйтесь, за Россию молитвенницы;
радуйтесь, небеснии праведницы.
Радуйтесь, подвижницы статнии;
радуйтесь, мученицы благодатнии.
Радуйтесь, Духа Святаго приятели;
радуйтесь, блаженного покоя получатели.
Радуйтесь, Александре и Андрее, воины преподобнии.

Кондак 13

О воины святии, Александре и Андрее, христолюбивым смирением вашим вы Русь с колен подъяли есте, Россию прослависте, православную силу в земном бою показавше,

знамением народу нашему бысте, умолите и нам, грешным, спасение и днесь Руси очищение и укрепление в твердыне веры православныя, мы же о вас всехвально Бога славим: Аллилуиа. Сей Кондак глаголи трижды и паки чтется 1-й Икос

